

曾国藩全集

要览

清 李瀚章 编撰
清 李鸿章 校勘




典藏本
之壹

中国华侨出版社


要 揽

李瀚章
李鸿章

编撰
校勘



中国华侨出版社



图书在版编目 (CIP) 数据

曾国藩全集/(清)李瀚章,(清)李鸿章编纂. —北京: 中国华侨出版社, 2002.10

ISBN 7-80120-666-5

I. 曾… II. ①李…②李… III. 曾国藩 (1811~1872) - 全集
IV. Z425.2

中国版本图书馆 CIP 数据核字 (2002) 第 077844 号

● 曾国藩全集

编 纂/李瀚章 李鸿章

责任编辑/刘文远

经 销/新华书店

开 本/850×1168 毫米 1/32 印张/268 字数/4680 千字

印 刷/华北石油廊坊华星印刷厂

版 次/2003 年 1 月第 1 版 2003 年 1 月第 1 次印刷

印 数/8000 册

书 号/ISBN 7-80120-666-5/K·147

定 价/488.00 元

中国华侨出版社 北京安定路 20 号院 邮编: 100029

E-mail: overseashq@sina.com

发行部: (010) 64443051 传真: (010) 64443051

序

曾文正者，岂惟近代，盖有史以来不一二睹之大人也已；

岂惟我国，抑全世界不一二睹之大人也已。然而文正固非有超群绝伦之天才，在并时诸贤杰中称最钝拙；其所遭值事会，亦终身在拂逆之中。然乃立德、立功、立言，三并不朽，所成就震古铄今，而莫与京者，其一生得力在立志，自拔于流俗，而困而知，而勉而行，历百千艰阻而不挫屈；不求近效，铢积寸累，受之以虚，将之以勤，植之以刚，贞之以恒，帅之以诚，勇猛精进，坚苦卓绝。如斯而已，如斯而已！

孟子曰：“人皆可以为尧舜。”尧舜信否尽人皆可学焉而至，吾不敢言；若曾文正之尽人皆可学焉而至，吾所敢言也。

何也？文正所受于天者，良无以异于人也。且人亦孰不欲向上？然生当学绝道丧、人欲横流之会，窳败之习俗，以雷霆万钧之力，相罩相压，非甚强毅者，固不足以抗圉之。荀卿亦有言：“庸公弩散，则劫之以师友。”而严师畏友，又非可亟得之于末世，则夫滔滔者之日趋于下，更奚足怪！其一二有志之士，其亦惟乞灵典册，得片言单义而持守之，以自鞭策，自夹辅，自营养，犹或可以杜防

堕落而渐进于高明。古人所以得一善，则拳拳服膺而日三复，而终身诵焉也。抑先圣之所以扶世教、正人心者，四书六经亦盖备矣。然义丰词约，往往非末学所骤能领会，且亦踵而习焉，或以为陈言而忽不加省也。近古诸贤阐扬辅导之言，益汗牛充栋，然其义大率偏于收敛，而贫于发扬。夫人生数十寒暑，受其群之荫以获自存，则于其群岂能不思所报？报之则必有事焉，非曰逃虚守静而即可以告无罪也明矣，于是乎不能不日与外境相接构。且既思以己之所信易天下，则行且终其身以转战于此浊世。若何而后能磨炼其身心，以自立于不败？若何而后能遇事物泛应曲当，无所挠枉？天下最大之学问，殆无以过此！

非有所程式而养之于素，其孰能致者？

曾文正之歿，去今不过数十年，国中之习尚事势，皆不甚相远。而文正以朴拙之资，起家寒素，饱经患难，丁人心陷溺之极运，终其生于挫折讥妒之林，惟恃一己之心力，不吐不茹，不靡不回，卒乃变举世之风气，而挽一时之浩劫。彼其所言，字字皆得之阅历而切于实际，故其亲切有味，资吾侪当前之受用者，非唐宋以后儒先之言所能逮也。孟子曰：

“闻伯夷之风者，懦夫有立志。”又曰：“奋乎百世之上，百世之下闻者莫不兴起。”况相去仅一世，遗泽未斩，模楷在望者耶？则兹编也，其真全国人之布帛菽粟而斯须不可去身者也。

——梁启超

《曾国藩全集·要览》编写说明

本册内容分为功业、事略和年谱三个部分，以不同的角度详述了曾国藩富有传奇色彩的一生。开篇以功业的形式概述了曾国藩从治学到考取功名，从七品京官到二品大员，从镇压太平天国到剿捻和处理天津教案的宦海生涯。功业、事略和年谱三部分按照时间顺序将曾国藩的生平经历有侧重点地加以详述。其中对于他宦海沉浮中的几件大事，如镇压太平天国、北上剿捻和处理天津教案，更是加重篇幅解读。读者可以通过此篇了解史实，伴随着曾国藩走过他宦海生涯中的峰谷交替。

目 录

功 业 (1)

事 略 (51)

卷壹 (53)

卷貳 (79)

卷叁 (109)

卷肆 (142)

年 谱 (163)

卷壹 (165)

卷貳 (192)

卷叁 (205)

卷肆 (228)



卷伍 (259)

卷陆 (276)

卷柒 (303)

卷捌	(318)
卷玖	(342)
卷拾	(376)
卷拾壹	(393)
卷拾貳	(419)

功
业



同治十一年二月十二日，内阁奉上谕

大学士两江总督曾国藩，学问纯粹，器识宏深，秉性忠诚，持躬清正。由翰林院蒙宣宗成皇帝特达之知，存升卿贰。咸丰三年间，创立楚军，剿办粤匪，转战数省，迭著勋劳。文宗显皇帝优加擢用，补授两江总督，命为钦差大臣，督办军务。朕御极后，简任纶扉，深资倚任，东南底定，厥功最多。江宁之捷，特加恩赏，给一等毅勇侯，世袭罔替，并赏戴双眼花翎。历任兼圻于地方，利病尽心筹画。老臣硕望，实为股肱心膂之臣。方冀克享遐龄，长承恩眷。兹闻溘逝，震悼良深。

老臣硕望，
实为股肱心
膂之臣。

曾国藩著追赠太傅，照大学士例，赐恤赏银三千两治丧，由江宁藩库发给。赐祭一坛，派穆腾阿前往致祭，加恩予谥文正，入祀京师昭忠祠、贤良祠，并于湖南原籍江宁省城，建立专祠。其生平政迹事实宜付史馆。任内一切处分，悉予开复。应得恤典该衙门察例具奏。灵柩回籍时，著沿途地方官妥为照料。其一等侯爵即著伊子曾纪泽承袭，毋庸带领引见。其余子孙几人，着何璟查明具奏，候旨施恩，用示笃念忠良至意！钦此。

同治十一年二月十八日，奉上谕

前据穆腾阿等并梅启照同日奏到，曾国藩因病出缺，当降旨优予恤典，并于湖南原籍江宁省城建立专祠。生平政迹事实宜付史馆。一等侯爵即著伊子曾纪泽承袭，其余子孙几人，令何璟查明具奏，候旨施恩。兹据何璟历陈，曾国藩公忠诚体国，懋著贤劳，览奏尤增悼惜。何璟原折著暂行留中，即将该故督之孙，何名？年岁若干？查明具奏，再降谕旨钦此。

同治十一年四月二十八日，奉上谕

大学士两江总督曾国藩于本年二月间因病出缺，当降旨优予恤典，并于湖南原籍、江宁省城建立专祠，生平政迹事实宜付史馆。一等侯爵，即令伊子曾纪泽承袭。其余子孙几人，令何璟查明具奏，候旨施恩。旋据何璟、英翰、李瀚章先后陈奏曾国藩历年勋绩。英翰、李瀚章并请于安徽、湖北省城建立专祠。

又据何璟遵查该故督子孙详晰覆奏。披览之余，弥增悼器识过人，惜！曾国藩器识过人，尽瘁报国。当湘鄂江皖军务棘手之际，尽瘁报国。倡练水师，矢志灭贼。虽屡经困厄，坚忍卓绝，曾不少渝，

卒能万众一心，削平逋寇。功成之后，寅畏小心，始终罔懈。其荐拔贤才，如恐不及，尤得以人事君之义，忠诚克效，功德在民。允宜迭沛恩施，以彰忠荃！曾国藩著于安徽、湖北省城建立专祠。此外，立功省份，并著准一体建祠。伊次子附贡生曾纪鸿，伊孙曾广钧，均著赏给举人，准其一体会试。曾广铨著赏给员外郎，曾广铨著赏给主事，均俟及岁时分部学习行走。何璟、英翰、李瀚章折三件，均著宣付史馆，用示眷念勋臣，有加无已，至意。钦此。

谕赐祭文

朕惟功懋，懋赏信主，表延世之勋。赞襄雕俎，厚饰终之典。爰申覃莫，用贲丝言尔。原任大学士、两江总督、一等毅勇侯、赠太傅曾国藩赋性忠诚，砥躬清正。起家词馆，赋性忠诚，砥躬清正。屡持节而抡才。存陟卿曹，辄上书而陈善。值皇华之载赋，闻风木而遄归。忽乡邻有斗之频惊，潢池盗弄，懔战阵无勇之非孝，墨经师兴，奇功历著于江淮，大名永光乎竹帛。俾正钧衡之位，仍兼军府之尊。一等酬庸，锡侯封于带砺；双轮曳羽，飘翠影于云宵。重锁钥而任北门，百僚是式；还敬戒而惠南国，万众腾欢。方期硕辅之延年，岂意遗章之人告。老成忽谢，震悼良深！颁厚赙于帑金，遣重臣而奠醑；特易名于上谥，赠太傅之崇阶。列祀典于昭忠。贤良，建专祠于金陵、湘渚。彝章载考，初祭特颁。於戏！天不憖遗一老，永怀翊赞于元臣，人可赎今百身，用寄咨嗟于典册。灵其不昧，尚克歆承！

谕赐祭文

朕惟位兼将相，仗经文纬武之才，气壮山河，懋崇德报功之典。爰陈芳奠，用奖成劳。尔原任大学士、两江总督、学有本原，一等毅勇侯、赠太傅。曾国藩学有本原，器成远大，忠诚体国，节劲凌霜，正直律躬，心清盟水。初联班于玉署，芸省蜚声；旋献赋于銮坡，芝坊晋秩。叠司文柄，先蜀郡而后洪都；频进谏言，因疾风而知劲草。卿阶超擢，荷先朝特达之知；忠悃弥摅，笃臣子靖共之谊。乃乘轺而奉使，旋持服以去官。值粤逆之纷来，遂楚军之创立。援墨经从戎之义，俾移孝以作忠；励丹心报国之诚，每出奇而制胜。选将不拘常格，募壮士于三科；分军屡拔逆巢，偃长城于万里。秩隆总制，节授专征；洎朕宝祚诞膺，皖江告捷。特晋钧衡之位，仍持旄钺之权。扫穴擒渠，告成功于建业；酬庸锡爵，膺懋赏于通侯。叠翠羽以增辉，赍黄裳而耀采。未几畿疆移节，藉修三接之仪；既因南服需才，仍莅两江之任。方冀长承湛露，恩眷优隆；何期遽陨大星，老成凋谢！览遗章之人奏，震悼良深！

予恤典以从优，哀荣式备。谕重臣而致奠，给国帑以治丧。崇阶赠太傅之衔，秩祀永贤良之誉。并专祠之分建，宜世爵之钦承。特沛丹纶，增光青史；溢为“文正”，允副嘉名。於戏！曰赞黄扉勋业永思。天补哀风，风凄丹旆旒。恻怀倍切于骑箕！歆是苾芬，荣兹俎豆！

谕赐人祀贤良祠祭文

闻鼓鼙而思将帅，每深良弼之怀，治馨香而感神人，用永明禋之报。崇祠载列，元祀攸隆。尔原任大学士、两江总督、一等毅勇侯、赠太傅曾国藩学蔚儒宗，忠全令德。早入承明之选，玉尺提衡；游跻卿贰之班，冰壶挈操。历华省而说言屡上，议礼制而正论元阿。迨奉讳以旋湘，乃尽哀而庐墓。值戎车之告警，奋集乡兵；援墨经以誓师，恪遵朝命。勇呼爪士，率长沙子弟以先来；捷奏膚公，挽半壁河山而永定。纶扉懋赞，总制仍兼。双轮扬上将之华，辉增翠羽；一等锡通侯之贵，服称黄桂。延爵赏于后人，畀官衙于太保。节制甫资于北道，旌麾旋转于南方；歌遵渚而人望鸿飞，奠长江而民争蛾伏。范希文以天下自任，志事终酬；李西平为社稷而生，身名俱泰。江淮流惠，草木知名。方倚元老以图功，忽怅台星之敛耀。披章軫恻，厚礼饰终。晋太傅之崇封，易嘉名于上溢。念经天而纬地，斯谓之文；繫辅世而长民，尔身克正。允表贤良于京国，眷怀耆旧于湖湘。庙貌聿新，烝尝罔替。有功德于民则祀，尚念典型，惟俎豆之事尝闻，有功德于民则祀。载颂芬铎。昭兹休渥，式克钦承！

御制碑文

朕惟台衡绩懋，树峻望于三公；钟鼎勋垂，播芳徽于百世。宠颁紫绶，色焕丹珉。尔原任大学士、两江总督、一等毅勇侯、赠太傅。曾国藩秉性忠纯，持躬刚正。阐程朱之精蕴，学茂儒宗；储方召之勋猷，器推公辅。登木天而奏赋，清表风规；历芸馆而迁资，诚孚日讲。屡持使节，兼校春闱，洊擢卿班，允谐宗伯。溯建言之直节，荷殊遇于先朝。

凡兹靖献之丹忱，早具忠贞之素志。乃突来夫粤匪，俾训练夫楚师。拔岳郡而克武昌，功如破竹；靖章江而平皖水，威振授袍。两江尊制府之权；九伐重元戎之命。朕丕承基绪，眷念成劳。荣衔特畀以青宫；峻秩更登诸黄阁。辞节制于三省四省，弥见寅恭；精调度于湘军淮军，务严申令。联苏杭为犄角，坚垒同摧；倚昆季为爪牙，逆巢直捣。金陵奏凯，慰皇考知人善任之明；玉诏酬庸，褒元老决胜运筹之略。既折圭而列爵；亦叠翠以飘纓。既而畿辅量移，因之阙廷展覲。汲黯近憇，实推社稷之臣；杨震厚遣，无惭清白之吏。惟是疮痍未复，每廛念乎天南；锁钥攸司，仍遄归于江左。方谓功资坐镇，何期疾遽沦殂！赠太傅而阶崇；祀贤良而誉永，专祠遍祭，世赏优颁。易名以表初终，核实允孚“文正”。於戏！松楸在望，倍怀麟阁之遗型；金石不磨，长荷鸾纶之锡宠。钦兹巽命，峙尔丰碑！

国史本传

曾国藩，湖南湘乡人，道光十八年进士，改庶吉士，授检讨。二十三年，大考二等，升侍讲，充四川正考官，文渊阁校理。二十四年，充教习，庶吉士，转侍读。二十五年，历迁右庶子、左庶子、翰林院侍讲学士，充会试同考官，日讲起居注官。二十六年，充文渊阁直阁士。二十七年，大考二等，擢内阁学士，兼礼部侍郎衔。二十八年，稽察中书科。二十九年，擢礼部右侍郎，署兵部左侍郎。

三十年，文宗登极。国藩奏言：今日所当讲求者，惟在用人。人才不乏，欲作育而激扬之，则赖皇上织妙用。有转移之道，有培养之方，有考察之法，三者不可废一。臣观今日京官，办事通病有二，曰退缩，曰琐屑。外官办事通病有二，曰敷衍。曰颟顸。习俗相沿，但求苟安无过，不肯振作有为。将来一遇艰巨，国家必有乏才之患。今遽求振作之才，又恐躁竞者因而幸进。臣愚以为欲令有用之才不出范围之中，莫若使从事于学术，又必皇上以身作则，乃能操转移风化之本。臣考圣祖登极后，勤勤学问，儒臣逐日进讲，寒暑不辍。召见廷臣，辄与往复讨论。当时人才济济，好学者多。康熙末年，博学伟才，大半皆圣祖教谕成就之。皇上春秋鼎盛，正符圣祖讲学之年。臣请俟二十七月后，举逐日进讲例，四海传播，人人向风。召见臣工，从容论难。见无才者，则勸之以学，以痛惩模棱罢软之习。见有才者，则愈勸之以学，以化其刚愎刻薄之偏。十年以后，人才必大有起色，此转移

今日所求，
惟在用人。